

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 412555 21 St
Tuzla, 27.01.2023.godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom dužnika „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb, i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka, dana 27.01.2022.godine donio je slijedeće:

RJEŠENJE

Zaključuje se stečajni postupak nad imovinom dužnika DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb, i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka, MBS:1-8812, JIB: 4209345060007, broj glavnog računa: 1321000309096231 otvoren kod NLB Banka d.d. Sarajevo. zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljeno u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavljeno FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

Rješenjem ovog suda od 13.04.2022.godine, otvoren je stečajni postupak nad imovinom privrednog društva DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32, a za stečajnog upravnika imenovan je Senad Uzunić iz Tuzle. Nakon otvaranja stečajnog postupka održana su ukupno dva ispitna ročišta, te ispitane prijave potraživanja, a stečajni sudija je utvrdio da ukupan iznos prijavljenih potraživanja iznosi 3.235.789,85 KM, od čega je priznat iznos od 764.451,75 KM i odnosi na

potraživanja općeg isplatnog reda, a iznos od 2.439.703,23 KM na potraživanja odvojenog namirenja (razlučno pravo), dok osporena potraživanja iznose 17.002,84 KM.

Iz izvještaja stečajnog upravnika proizilazi da stečajnu masu dužnika čine nekretnine, a prema odluci Skupštine povjerilaca i razlučnih povjerilaca, provedeno je ukupno 6 (šest) javnih prodaja, te je unovčena cjelokupna imovina stečajnog dužnika. Prve tri prodaje provedene su po Zakonu i izvršnom postupku na način da je najniža cijena u prvoj prodaji bila 50% procjenjene vrijednosti, druga prodaja 1/3 procjenjene vrijednosti a u trećoj prodaji najniža prihvatljiva cijena je za 10% niža od najniže iz druge prodaje. Četvrta prodaja je provedena metodom neposredne pogodbe uz pisanu saglasnost razlučnih povjerilaca Ziraat banke dd i UINO BiH RC Tuzla da najniža prihvatljiva cijena bude 50% od najniže cijene iz treće prodaje. Na održanoj četvrtoj prodaji u Općinskom sudu u Tuzli dana 07.10.2022. godine, prodana su zemljišne parcele iz LOT2 po ponuđenoj cijeni od 53.100,00 KM. Također je donesena odluka o 5. prodaji za LOT1 i LOT3 po prihvatljivim najnižim cijenama iz četvrte prodaje. Potraživanja razlučnog prava odnose se na povjerioca Ziraatbank BH d.d. Sarajevo i Upravu za indirektno oporezivanje BiH, Regionalni centar Tuzla. U toku stečajnog postupka nije bilo sredstava ni za djelimično namirenje povjerilaca višeg i općeg isplatnog reda, a nakon unovčavanja nepokretne imovine razlučni povjerioci će biti samo djelimično namireni u iznosu od 72.810,00 KM ili 2,77 % (Ziraatbank BH d.d. Sarajevo u iznosu od 69.210,00 KM i UIO BiH, RC Tuzla u iznosu od 3.600,00 KM).

Na izvještajnom ročištu (Skupštini povjerilaca) održanom dana 06.12.2022.godine stečajni upravnik je podnio izvještaj o ekonomskom stanju stečajnog dužnika, te je utvrđeno da stečajni dužnik nema imovine iz kojeg bi se mogla namiriti potraživanja povjerilaca niti troškovi stečajnog postupka. Stečajni upravnik je predložio da se postupi u skladu sa odredbama 196. Zakona o stečaju i postupak zaključi zbog nedostatka stečajne mase. Na istom ročištu skupština je usvojila izvještaj stečajnog upravnika sa svim prijedlozima za zaključenje stečajnog postupka zbog nedostatka stečajne mase.

Provodeći aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 03.11.2022.godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 10.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 91/22 dana 16.11.2022. godine, a na oglasnoj ploči dana 04.11.2022. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci istečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.